

կոնակը տալիս է աւագին եւ սպասում:

Ինքնաշարժները դալիս են:

Տեղաւորում ենք: Քանի՛ տուփեր, դեղօրայք մեծ մասամբ, քինին, քինին, քինին: Fiat-ները իրաւ գեղեցիկ են, երկար, վայելուչ գծերով, ջղային եւ կանացի: Խմբերի ենք բաժանում, կատակ ենք անում, ու արեւը լուսաւոր շոյանքի նման տանիքների վրայ է իջնում եւ բլուրի կատարին ծառերի հետ տատանում է:

Անցորդները դարմացած նայում են: Համալսարանի առջեւ լեզուաբանական պրոֆեսորը նայում է ինձ եւ մտածում. «Դա՛ էլ ծախուեց բոլշեւիկներին»:

Նախանձը մեզ ճանապարհ է դնում:

Իայց փոշին ամէն ինչ ծածկում է: Պրոֆեսորը մի կողմ է ցատկում եւ անմիջապէս փոքրանում է: Նորքը վազում է դէպի մեզ եւ կաղամախների վրայից մեղմ դող է վազում:

Երեւանը իջնում է վար: Փոքրանում է, տափականում: Գլխատած իր տանիքները մէկը միւսի վրայ են ընկնում, հրմշտում, սահում վար: Երբեմն կանգ են անում փայրիլուն մի դմբէթի մօտ, մի քիչ բարձրանում են ու վիզը ծռում ծաղկած մի պարտէզի հմայող խաղաղութեան առջեւ. կամ արագօրէն, կոյտկոյտ, դլորում են վար, փուլ դալիս կիսաքանդ պատերի կմախքացած ուրուագծերի կատարին, ծունկի իջնում կաւեխառն փոշիների մէջ եւ պարապ աչքերով նայում թրքաց մզկիթի յախճապակիէ պարտէզի գոյնզգոյն գարգերին:

Ոլոր դառիվերը ինքնաշարժի մզանակի տակ սեղմում է. մեքենան աղմկալից շունչ է քաշում, պայթում, սարսուռ. դեկը սեղմում է իր շղթաները, առջեւի անիւները վեր են ցատկում եւ, նետի նման անցնող մեր նայուածքների առջեւ, Արարատեան դաշտը պատուում է հորիզոնը եւ մի վայրկեան տարօրինակ ծովի նման երերում է:

Մինչ ճանապարհը բոլորում է իր հանգոյցը, Արարատը, անհանգիստօրէն, իր դէմքը սուզում է սրտերի մէջ: Հեռում պառկած ծաղկաւէտ անդնդի միջից նա վեր է սլանում սպիտակ մեղուկեան նման, երկրից եւ երկրնքից դուրս, եւ անմիջապէս անհետանում է:

Նորքը քամիի արագութեամբ յետ է քաշում. մինչ պարտէզները գրոհ են տալիս դէպի Յաղկաձոր:

Անշուշտ Քանաքեռից Արտվեանը դեռ շարունակում է դիտել: Առաւօտեան այս ժամին դիզը կանանչ աչքեր է բաց արել, նայում է բարձրացող լոյսին եւ փոշին: Ինքնաշարժը զուշօրէն անցնում է առաջի արագութեան: Ճանապարհը փլած է եւ դեկը պտտում է, ասես նաւարկում ենք անհանգիստ ծովի վրայ:

Քիչ յետոյ ամէն ինչ արագանում է:

Հովը թափահարում է ցուլի իր դլուխը:

* * *

— Հայաստանի դրեթէ բոլոր ճանապարհների վրայ դաշտանկարը պահուրաւք է խաղում: Լեռը ցցւում է առջեւը, թափ է տալիս իր պղնձէ մերկութիւնը ու թաքնւում է ուրիշ մի բարձրութեան ետեւ:

— Այո՛, պղնձէ մերկութիւն կամ աւելի շուտ ժանդոտած երկաթի աստիճանաւոր երկնաւորում:

— Անտառները մեկնել են...

— Կարծո՞ւմ էք:

— Ու մնացել է էականը: Ինքը բիրտ, խստադէմ հողը, նախնական եւ խիստ այն լեզուն, որ դործ են ածում մարած հրաբուխները: Մտածե՛լ, հաղարամեակները ինչպիսի պայքար մղած են երկրի մակերեսի այդ կենդանի մսերի հետ. ի՞նչ դէմքեր՝ ծածկուած, յօշոտուած, ցաւազնօրէն կարկամուած, խոր իրենց կնճիռներով, ծալքերով ու վէրքերով:

— «Վէ՛րք Հայաստանի»:

— Տեսել է՞ք Ալպեան լեռները: Երկրաբանականօրէն ի՞նչքան երիտասարդ են նրբանք, թրթռուն, բիւրեղեայ իրենց գազաթներով, խակ անդին՝ ոչ շատ հեռւում, ինչքան ծեր է Պիրենէան փլած շղթան՝ մաշուած, ծայրատուած, քերուած: Ո՞վ կարողացել է լսել երկրագնդի վրայից անցնող հողային հսկայ շերտերի ընթացքը, ահաւոր փուլզումների շտապը, գրանիթէ կուտակումների աղմկալից վերելքը, տապալուող ձորերի վարէջքը, ծովերի փախուստը, եւ ո՞վ կարողացել է տեսնել ծովեզերքների մեթամորֆոզ մահաճը, ծովային աւագի տարածուող ամուլ պտամուճանը, անապատի առաջընթացութիւնը,